

S'Glück

1.

Das isch vergange & das Bild isch verblasst
S'iilöse vo dem Guetschiin han i verpasst
De Brief vo de Fründin, wo e de Name nüme weiss,
wo i jetzt nach langem is Altpapier schmeiss

Refrain:

**S'Glück bhaute ne e
De Schmärz ghei i det dri
Id'Mulde zum Bauschutt und lane lasi
Da wo i nüme bruche & da wo i nüm wott ha
Verbränn i im Garte
Und lanes la ga**

2.

Ufem Foti isch mini Muetter, am blaue Gardasee
Si isch scho lang gange i vermisse sie wie eh
De Rost frisst sich dür's Hirni
De Holzworm dür de Tisch
Da wo mal isch gsi, isch da wo nüme isch

Refrain: **S'Glück...**

3.

I mach keni Prognose, für da wo chönti cho
I wünsch Dir vill Glück, wenn Du vor mir wotsch ga
Jedi Ziiit isch en Entscheidig, jede Plan es Experimänt
Mit Afang & Mitti, mit Mitti und Änd

Refrain: **S'Glück...**